



Inatsisartunut ilaasortamut
Pipaluk Olsen
Demokraatit

27-01-2026
Suliap normua 2024-10523

All. il.
26129026

Postboks 260
3900 Nuuk
Oqa. (+299) 34 50 00
Nass. (+299) 34 66 66
E-mail: miin@nanoq.gl
www.naalakkersuisut.gl

Ulluunerani paaqqinnittarfinni allaffissorneq aqutsinerlu pillugit § 37 naapertorlugu apeqquummut nr. 007-2026-mut akissuteqaat

Asasara Pipaluk Olsen.

Apeqqutinut qujanaq. Apeqqutit ataasiakkaarlugit akissutinik malitseqartillugit ataani allanneqaqqipput.

1. Inatsit atuuttoq naapertorlugu allaffissornikkut, aqutsinikkullu meeqqerivinni aqutsisunit ullumikkut suliareqqusaasut Naalakkersuisut qanoq nalilerpaat?

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, ulloq 20. November 2023-meersoq malillugu ulluunerani paaqqinnittarfinni aqutsisut perorsaanikkut aqutsinermut, sulisunik aqutsinermut aammalu allaffissornikkut tamakkiisumik akisussaaffilerneqarput. § 19, immikkoortut 1-2 naapertorlugit pisortap akisussaaffigai perorsaanikkut allaffissornikkullu ingerlatsineq, sulisoqarnermut tunngasut kiisalu perorsaanikkut ukiumoortumik pilersaarusi at aningaasartuutillu. § 20-mi immikkut uppersaasaasiornermut aamma nalunaarsuinerneq suliassat aalajangersarneqarput, aammalu ingerlaavartumik nalilersuinerneq aamma ineriartortitsinermik nassuiaatinut kiisalu ingerlaarfinni suleqatigiinnerneq piumasaqaateqartoqarpoq, § 30-31. Inatsimmi § 21-mi aamma pisortaq pisuni aalajangersimasuni allaffissornikkut suliassanit pisussaaffilerneqarsinnaavoq.

2. Meeqqerivinni aqutsisut perorsaanikkut aqutsisutut akisussaaffimmi isumaginissaasa periarfissaannut, suliassat massakut agguataarneqarnerat sunniuteqarnerat Naalakkersuisut qanoq nalilerpaat?

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, ulloq 20. November 2023-meersoq malillugu pisortap perorsaanikkut aqutsinermik akisussaaffia allaffissornikkut aamma sulisunik akisussaaffimmut malunnartumik ataqatigiissaarneqarpoq, § 19, § 20-mi immikkut uppersaasaasiornermut aamma nalunaarsuinerneq piumasaqaatinik kiisalu § 30-31-mi nalilersuinerneq/ineriartortitsinermut nassuiaatinut aamma suleqatigiinnerneq piumasaqaatinik ilaneqartoq. Suliassanik immikkoortitsineq taanna piviusumi piffissaq



pisortap maannakkut perorsaanikkut aqutsinermut atorsinnaasaa killilersinnaavaa, kisianni inatsimmi allaffissornikkut ikiorsiissuteqartoqarsinnaavoq, tassami sulisitsisoq pisuni ilaanni pisortaq allaffissornikkut suliassaarussinnaavaa, tak. § 21.

3. Pingaartumik sulisunik ataavartunik amigaateqarnermi, meeqqerivinni aqutsisut allaffissornikkut nammataannik oqilisaanissamik pisariaqartitsineq pillugu Naalakkersuisut qanoq isumaliuteqarpat?

Inatsisartut inatsisaat nr. 62, 20. november 2023-meersoq malillugu allaffissornikkut piumasaqaatit ilaatigut § 19-20 aamma § 30-31 naapertorlugit sulisunik amigaateqartuarnermi pisortap piffissaq taakkununga sivisoq atorsinnaavaa perorsaanikkut aqutsineraniit. § 21-mi inatsimmi periarfissiisoqarpoq taakku ajornannginnerulersinnissaannut, sulisitsinermi oqartussaasup pisortaq allaffissornikkut suliassaanik piianikkut. Tamatumalu saniatigut kommunit namminersornerat atuuppoq, taamaattumillu kommunit akisussaaffigaat suliassanik agguaassinermik aaqqissuussinissaq aammalu inatsisitigut sinaakkutit iluanni tapersersuineramik suliassat ilanngullugit, ilaatigut § 40, imm. 4 aamma § 42.

a) Allaffissornikkut sulisunik imaluunniit sulisunik allanik atuineq ilanngullugu, meeqqerivinni allaffissornikkut suliassat naleqqunnerusumik suliarineqartarsinnaanissaat Naalakkersuisut qanoq tapersersorniarpaa?

Periusussiaq "Meeraaneq nalitooq 2023-2030" malillugu Naalakkersuisut allaffissornikkut suliassanik naleqqunnerusumik aaqqiinissaq tapersersorsinnaavaat, kommunit ulluunerani paaqqinnittarfinnik aaqqissuussinissaannik siuarsaanikkut, taamaallilluni aqutsisoq allaffissornikkut perorsaanikkullu tapersersorneqarluni – ilaatigut allaffissornikkut sulisunik imaluunniit suliassanik sulialinnik allanik atuineq. Periusissiami aamma erseqqissarneqarpoq aqutsisut piginnaanngorsarneqarnissaat, tamannalu nittartakkakkut ingerlanneqarsinnaavoq ilitsersuisumik nakkutilliisoqarluni, kiisalu digitaliusumik suliassaqqarfiit pitsaaneruseqarpoq atornerneqarnissaat, soorlu inini tamani IT-mik atortulersuutit aqqutigalugit.

b) Meeqqerivinnik ulluinnarni ingerlatsinermi, allaffissornikkullu sulinermi NI-mi soraarummeersimasut ilanngullugit allaffissornermi ilinniarsimasut akuutinneqarnerunissaanut suut Naalakkersuisut periarfissaasoraat?

Ulluunerani paaqqinnittarfinni ulluinnarni ingerlatsinermi allaffissornikkut sulinermilu allaffissornikkut ilinniarsimasut, ilaatigut NI-mi ilinniarsimasut, qanoq peqataatinneqarnissaannut Naalakkersuisut aalajangersinnaanngillat, tamanna kommunit namminersornerullutik oqartussaaffiisa ataaniimmat. Taanna Meeqqanut suli atualinngitsunut perorsaanikkut ineriikkiartuutaasunik ulluunerani neqeroorutit pillugit Inatsisartut inatitsaanni § 7-mi allassimavoq meeqqanut suli atualinngitsunut tamanut ulluunerani neqerooruteqarnissaq kommunalbestyrelsimiit qulakkeerneqassasoq, kommunillu ulluunerani neqeroorutitut aningaasartuutit akilertassagaat, tak. § 43. Naalakkersuisut kommunit nammineersinnaatitaanerata ataqquivaat upperilluinnarlugulu kommunit namminneq ulluunerani paaqqinnittarfiit inatsisit sinaakkutaasa iluanni aaqqissuutissagaat sulisulersuullutillu.



4. Meeqquqerivinni aqutsisut eqqissillutik, illersorneqarsinnaasumik, inatsisillu siunertaanut naapertuuttumik suliasaminnik suliaqarsinnaanissaannut pisariaqartumik sinaakkuteqalernissaat Naalakkersuisut qanoq qulakkeerniarpaat?

Naalakkersuisut inatsimmi piumasaqaatit tamakkiisumillu nakkutilliineq aqqutigalugit sinaakkutit tamakkiisut qulakkeertarpaat, kisianni kommunit namminersornerisa iluani ulluunerani paaqqinnittarfiup qulakkeerneqarnissaanut kommunalbestyrelsi akisussaasuuvuq taamaalillunilu aamma aqqissuussaaneq aalajangersimasup aamma pisuussutinik pingaarnersuinerup akisussaaffigaa, tak. Inatsisartut inatsisaanni nr. 62, 20. november 2023-meersumi § 7.

Naalakkersuisut kommunit namminersornerat ataqqivaat aammalu kommunit inatsisit sinaakutaasa iluanni ulluunerani paaqqinnittarfinnik aqqissuussisarnerat upperilluinnarlugu. Sinaakkutit piviusumi naammaginnartutut isigineqanngippata, pisut naammagittaalliuuteqartarfinnut aamma nakkutilliinermik aqqutit attuumassuteqartut aqqutigalugit ingerlateqqinneqarsinnaapput. Siullertut kommunimut saaffiginninneq, Isumaginninnermi Naammagittaalliuuteqartarfinnut naammagittaalliuuteqarneq tassani isumaginninnermi suliasaqarfinni naammagittaalliorsinnaatitaasoqarpat, pisortat aalajangiinerat suliallu suliarineqartarnerat pillugit Inatsisartut Ombudsmandiannut naammagittaalliuuteqarneq, kiisalu suliffimmi avatangiisit pillugit Kalaallit Nunaanni Sullivinnik Nakkutilliisoqarfinnut nalunaaruteqarneq.

5. Sammisamut soqutiginnartunik allanik Naalakkersuisut paasisutissiisinnappat?

Periusissiaq "Meeraaneq nalitooq 2023-2030" ilaatigut erseqqissarneqarpoq angajoqqaanik/isumassuisunik suleqateqarnerup nukittorsarneqarneratigut, siusissukut paasisaqartarnikkut aammalu suliasaqarfiit assigiinngitsut akornanni pitsaanerusumik suleqatigiinnikkut meeraq qitiusumik inissisimasariaqartoq, taamaatullu IT-mik aamma digitaliusumik nalunaarsuinnermik atuinerup, taanna ulluinnarni allaffissornermik annikillisaasinnaasoq, annertusarneqarneratigut suleriaatsit naleqqunnerusut sulissutigineqassapput.

Periusissiami aamma pingaartinneqarpoq piginnaasanik ineriartortitsineq aammalu pikkorissarnissamut ilinniaqqinnissamullu aqqiissuussaarsarinnerusoq, kiisalu aqutsineq nukittorsarneqarnissaa, ilaatigut internetikkut ilitersuisumik nakkutilliisoqarluni aqutsinermik ilinniartitsisoqarsinnaalluni aammalu allaffissornerikkut perorsaanikkullu aqutsinermut ersarissumik kommunimit tapersersuisoqarluni, najukkami kommunini suliasaqardimmi aqutsisoqartarneranut naapertuuttumik.

Inussiarnersumik inuulluaqqusillunga

Nivi Olsen